



رسالة خالديه



١٤١

یعنی ادب و اخلاصی مستلزم اولور زیرامحب اولان کمنه
 محبوبی حقنده ادبی رعایت و اخلاصه مبارت ایده کلشدر تنکیم
 ﴿حبک الشیء یعنی ویصم﴾ دینلدی اویله اولسه محب اولان کمنه
 محبوبنده عیب و نقصان کور مرکز کندن اخلاص و یقین
 زائل اوله و دخی معلوم اوله که اخلاص و محبت و کرک ادب
 فی الحقیقه باری تعالی و تقدس جنابندن فائز اولور زیر اهر بر
 مقامه لایق و اکا مناسب ادب واردر امدی بوباده همت تاه
 بلکه الهام ربانیدن لابد و آدابک جزئیاتی کنجایش
 کتابدن پرون دینلدی کی بوکابن سید رومع ذلک تصوف باسره
 ادبدن عبارتدر دیمش لرامدی ﴿مالاید رک کله لایترک کله﴾
 مفاد نجبه انواع ادبدن بعضی ذکر ایدن سلف صالحین اثرینه اقتفا
 و مجلا ذکر یله اکسفا اولندی تا کیم سائر آداب غیر مذکوره انک
 اوزرینه قیاس اولسه ﴿والله الهادی الی صراط مستقیم﴾
 ای طالب مسترشد ﴿وفنی الله تعالی وایاک لما یحب ویرضی﴾
 ووقا ناعمایشین ویزری ﴿معلوم اولسونکه مرشد حقنده رعایتی
 لازم اولان ادب براقچ وجه اوزره و اوکیسی ادب نیت
 ایکنجیسی ادب رابطه و خدمت شیخه حضور ادبیدر اوچنجیسی

مرشد ایله حضور ادبیدر دردنجیسی مرشد ایله مکالمه ادبیدر
 بشنجیسی مصالح مرشد خدمت ادبیدر التنجیسی برای استفاضه
 استحضار قلب و کیفیت اخلاص و طلب ادبیدر یدنجیسی ورد
 و ختم ادبیدر سکرنجیسی سلوک و مجاهده ادبیدر که بوترب
 اوزره انشاء الله تعالی مفصلا بیان اولسه کرکدر انا و اوکیسی نیت
 ادبی ایدی صفتی اولدر که شیخ ابن حجر قدس سره حضرت تلمیذک
 قولی اوزره نیت اصول دینندن اصل عظیم ربنا علی هذا
 پیغمبریز صلی الله تعالی علیه وسلم حضرت تلمیذی اششای خطبه ده
 ﴿یا ایها الناس انما الاعمال بالنیات﴾ دیو پور دیلر و کذلک
 حدیث شریفده ﴿نیة المؤمن خیر من عمله﴾ پورلدی هر قدر
 سندی ضعیف ایسه ده و امام شافعی رضی الله تعالی عنه نیت یتیش
 بابه داخل اولور دیو پور مرشد و حضرت رسول اکرم صلی الله تعالی
 علیه وسلم حضرت تلمیذی کذلک پور دیلر که ﴿وانما لکل امرء ما نوى﴾
 فمن کانت هجرة الی الله ورسوله ای قصد اونیته فهجرة الی الله
 ورسوله ای ثوابا و اجرا و من کانت هجرة لدنیا لصیبا و امرأة ینکحها
 فهجرة الی ما باجر الیه ای لایحصل له غیره ﴿بوصورته تصحیح نیت
 و اخلاص هرشیدن الزم و هر امرده اہم و هر نیت دن اقدرد

تا کیم مراد مرید فوت اولمیه بلکه قرب بعده تحول و رضا عقوبته
تبدل ایتیمیه تنکیم مرانی اولنلره واقع اولدنی کبی و اخلاص
هر عملده واجب در خصوص عمل قلبیده اشم و الزم در زیر احقنده
❦ العمل القلبی کله نیت ❦ دینلشد رپس ایدی مشایخ طریقت
علیه قدس الله تعالی اسرار هم حضراتنی قصد ایدلر یا مرید و یا غیر
مرید در واردته صادق اولان مرید اچون نیت ادبی اولدر که
وجه قلبنی شیخی واسطه سیمه ذات بحت مقدس جنابنه توجیه
و ذات باری بی قصد ایلیم یعنی دنیوی و اخروی غرض و عوض
و احوال باطنیه اولان قرب و ولایت و تاثیرات و ارشاد
و معرفت و سایر ماسوی الله مراد ایلیمیه بر شرط ایلکه اول توجیه
اداء عبودیتله خاصه باری تعالی حضرت تکریم اوله و صاحب
رشحات علیه الرحمه دیر که مرید ذات متوجه اولدقه صفاته توجیهی
صحیح اولمز زیر اذاته توجیه ایتیمک صفاته توجیه مرتبه سندن بالاتر در
ودخی خفی اولمیه که ذات توجیه دیمکدن مراد کنه و حقیقت اعتباریله
دکدر زیر کنه و حقیقت اعتباری حرآمد بلکه توجیه عدم مثلثیت
و سلوب اعتباریله در فافهم اشبوز کرا ایتدیکر توجیه فقط محبت
ذاتیه صاحبی اولنلره ممکن اولور زیر اول طایفه عنده لطف

دقهر ساویدرنه کیم بعضیلر ❦ کلام صدر من الحبيب حبيب ❦
دیشدر و اما غیر مرید اولان کمنه نکت نیتی همان رضای باری
اولوب شیخی امتحان قصد ایتیمیه زیر امتحن ملعونذ رو کرامت
کور کبی دخی مراد ایلیمیه زیر اولایتده کرامت شرط قلندی
و شیخ افضل اولمنه دخی علامت دکدر نته کیم ابن حجر خاتمه ده
بویله تصریح ایتشد در بعضا اولور که شیخده کرامت بولور اما
اطهار یسنه ماذون اولمز و یا خود ماذون اولور اما اطنهار یسنی مصلحتدن
عد ایلمز فافهم و اما ادب ثانیکه رابطه ادبی ایدی کجالی اولدر که
خرانه خیال که ایکی کوزک ماسنیدر انکه مرشدک وجه روحانیتنه
بلکه ایکی کوزی میسانه نظر ایلیمیه سن زیر اولور اسی منبع فیضدر
بعده مرشده تضرع و توسل ایتدیگک حالده روحانیت مرشدی
خرانه خیالده داخل و انده حاضر و قلبه و قعرینه شیا نشیا نزول
ایدر ملاحظه قیلوب سندی وراسندن بالتدریج جریان و نزول
ایدوب انی عین خیالیدن غائب ایتیمیه سن حتی نفسکدن
غائب اوله سن زیر اقر قلبیه نهایت یوقدر و سیرالی الله
قلبدن حاصل اولور و اکبر جمیع وقوف بورا بطه ایلله اولسه نزول
یونندن اسرعدر زیر امتصود ذاتدر رابطه ایسه همان سنک اچون

سیر الی الله وسیله در واکر دینور سه که رابطه به دلیل ثابت
 دارمیدر بر دیر ز که نعم کتاب و سنت و قیاس ایله دلیل ثابت در
 اما کتاب ایله شوقی حق تعالی نمک و اتباعوا الیه الی الیه
 قول شریف در واکر دینور سه که بوراده وسیله دن مراد
 رابطه نمک غیریدر بر دیر ز که مفهوم عامه رطب وسیله ایله امر
 ثابت اولدیه رابطه و سائلک افضلیدر زیر وسیله پیغمبریز
 صلی الله تعالی علیه وسلم و یا خودنا بلسلریدر و حق تعالی نمک
 قل ان کنتم تحبون الله فاتبعونی قول شریفی کذلک رابطه به
 اشارتد زیر اتباع قبوعک رویتی و یا خود تخمینی اقتضایدر
 واکر اوله اولسه اتباع عدا و لغز و اما سنت ایله شوقی امام
 بخارینک ذکر ایتدیکي و جمله حضرت ابی بکر الصدیق رضی الله عنه
 برکون حضرت رسول اکرم صلی الله علیه وسلم حضرت لرینه شکایت
 و بحسب الروحانیه خلاده پله خیم الممدن منفک اولمز سکزدیو
 حکایت ایشلر و حضرت صدیق اکبر بوببله حضرت فخر عالم
 صلی الله علیه وسلم حضرت لریندن غایتله حیا ایدردی اما قیاس ایله
 شوقی و سائل مقصود بالذاته و سائل مقصوده معین اولدینی حیثیتله
 تحمیل ایتک لا بأس را بحق ممنوع اولان نفس و سائل مقصود

بالذات قیلقد رکن حال بویه دکلر منکر لرایسه امرین پینی فرق
 و تمیزدن قاصر لدر لمرک انهم لفی سکر تسم یعمهون و اما
 مرشدک خدقنه کلک ادبی بر قاج نوع اوزره در اولکیمی آبدستلو
 اولق ایلنچسی جمیع ذنوب و قصور دن و غفلتدن اون بش کره
 و یادخی زیاده استغفار ایتکدر او چنچسی فاتحه و اخلاص شریف
 قرائت و مرشدک روحانیتنه ایدر ایلکدر و بواج شعی قبل
 شروع المشی در و حین مشی ده لاجل الاستغاضه قلبنی مرشدک
 قلبنه تمام رابطه ایله لکن اخلاص و محبت و جوی اوزره غایت
 تضرع و انکسار ایله اوله بلکه مرشدک روحانیتی کند وسیله
 برابر و زنده اولور سه نظر نده اولد یعنی جزم و ایقان ایلیه زیر
 روحانیت اچون حجاب و بعد و قرب و ماده و مدت یوقدر بناء
 علی هذا روحانیتک حضوری حضور قلب مرید ایله برابر در زیر
 روحانیت لمح بصردن اسرعدر بلکه مرید مقبولدن نقطه و منام
 حالده روحانیت مرشد ایدر منفک اولمز و مرشد مقصوده وسیله
 اولدینی سببدن مرید مرشدینی طرفه عین مقداری غائب ایله
 مرید اوله مریدینلدی و پیغمبریزک صلی الله علیه وسلم دوام
 مشاهد سینه باعث اولان خصلت بودر زیر افنا فی الشیخ اولق

رسول الله صلی الله علیه وسلم فانی اولمقلغه واولدخی فنا فی الله
مقدمه در بوب بدن بعض ارباب فقر دمیث در که اگر رسول الله
صلی الله تعالی علیه وسلم حضرت تلمیذی طرفه بین مقتدری بزدن
محتجب اولسه کند و مزی زمره سلیمندن عدایترا یک ادب
ثالث که مرشد ایله حضور ادبی ایدی فیضک موقوف علیی بود
اولدخی یا بحسب الظاهر و یا بحسب الباطن در و بحسب الظاهر حضور
ادبی اولدر که مرید مرشدک وجهه نظر ایتیمیه رک حضورنده بوینی
اکوب ثویله طوره که گویا بر عجب مملوک مالکی اولان سلطانن فرار
ایدوب کیر و حضورینه کتورلمش کبی خضوع ایده و مرشدک
امر نرا و تورمیه و اقتضای شرعی و یا طریقتده برشکلی و یا مصلحت
مرشد اولدقجه کند و کندن کلامه آغاز ایلیمیه و حضور مرشدده
حاضر اولان ایله کلم ایتیمیه هر نقد رشیوخ ایسم لرده تکلمدن
احترار ایده و عاشق اولان کسنه معشوقک غیریدن مستغنی اولد یعنی
حالده نیچه طور رسم اولیجه طور و ب مجلسده اولانله اصلا التفات
ایتیمیه زیر امریدک مرشدده عشق و تعظیمی حق تعالی اچون اولد یغندن
اکا عشق و تعظیم حقیقتده باری تعالی یدرودخی ساکت و کوز لری
یومق اولد یعنی حالده طور و ب استفاضه اچون تضرع برله باطنه

متوجه اوله الحاصل مرشدینی رسول الله صلی الله تعالی علیه وسلم
نائبی و حکم و تصرفده سلطان عدایلیه و مرشدینه اولان معامله سنی
رسول الله صلی الله علیه وسلم و یا سلطانه اولان معامله کبی پسله زیرا
حدیث شریفده ﴿العلماء ورثة الانبياء﴾ و العالم فی قوه کالنبی
فی امته و علماء امتی کانبیاء بنی اسرائیل ﴿پور لشد رودخی
ارباب تحقیق عندنده بو حدیثک حقیقی اولدر که عالمدن مراد
مقتضای علمیه عامل اولان عارف بالله در زیر اکلام ربانی دلائله
عامل اولمیان عالم حماره شاهده را دیله اولخسه عامل اولان
عالم ایله غیر عامل پننده تفاوت کیر و ایدر بلکه بوجه تاب برینسه
مقابله سی جائز دکلدر زیر احق تعالی غیر عامل اولان علمایه
﴿اتأمرون الناس بالبر وتنسون انفسکم﴾ الایه قول شریفله
عتاب پور شد و علمیه عامل اولمیان عالم حقیقتده وارد اولان
اخبار حد و حصردن بیرون اولمغنی تعریف و اخباردن مستغنیدر
﴿ولا حول ولا قوة الا بالله العلی العظیم﴾ و اما بحسب الباطن
حضور ادبی اولدر که مرشد حضورینه وارد قد قلی غافل و یا خود
قلبنده خطر و یا امتحان و یا استراض و یا خود نفسنده عدم میل
و کراهت اولمیه زیر ابونکر کلمیسی قلب مرشدک مریددن

نفرتی موجب و مرشد نظر ندن سقوطی و قلبندن خروجنی مستوجب
 اولور زیرا هر بر مریدک مرشد قلبنده مقروما و اسی دارد
 ودخی دینسلیکه سماء سابعدن ارض ساقطیه ساقط اولمق ارباب
 باطن قلبندن ساقط اولمقندن خیر لودر ﴿اعاذنا الله تعالى﴾
 وایاکم عن ذلک و بعد ناعن منفرات اصحاب القلوب ﴿زیرا﴾
 اصحاب باطن قلوبندن ساقط اولمق رأس مما کدر شول
 سببندن که اهل الله نظر ندن ساقط اولمق نظر حقندن سقوطه
 باعثد ر پس ایدی مرشد حضورنده غفلتندن بری اولد یعنی حالده
 وقوف قلبی بی صباط و فیض باطنی بی طالب اولد ر ق قلبی مرشدک
 قلبنده علی وجه المحبه و التضرع ر بط ایدوب مرشدک توجه
 و التفاتنه فتنه اولد و انک فیضی افقی سد و اطلاق ایدوب مریدک
 طلبنه موقوف اولد یعنی یقینا اعتقاد ایلیم هر نقد ر فیضی ادراک
 ایتمزایسه ده ینه یقینی زائل اولیمه زیرا ادراک وصوله شرط
 دکلدر بلکه شرط اولان مریدک مجرد اعتقادی و وصول فیضه
 حسن ظنی در ودخی اهل دنیا و کرک حسب المصلحه والاقتصاد نیلادن
 بحث ایدندر حضور مرشدده بوانملری مریده ضرر ویرمز و حضور
 مرشدده قعودی تطویل ایتمیه زیرا مرشدک قلبی نفرت ایتمکدن

احترار لازمدر اعاذنا الله تعالى عن ذلک و دخی مرشدک
 باطنندن غافل و ظاهریمه مشغول اولیمه که فیض باطنی در محروم قالمیه
 زیرا مرشدک ظاهری ارباب ظاهر اچون و باطنی اهل باطن اچوندر
 ودخی مرشدم آخر کمنه ینه نظر و انکه تکلم ایدوب بندن غافلدر
 بن ایدن نچه استفاضه ایده پلورم دیو خاطریمه کتور میه که بوخطره
 مرشده قلت اعتقاددن و بلکه اکا سوءظنندن نشأت ایدر
 حاله که هر حالده ایدن استفاضه حاصلدر زیرا مرشد بر مرتبه ده
 در که خالق انی حقندن اشغال ایلر و حق ایلر مشغول اولیمه خلقتدن غافل
 دکلدر بلکه جمیع مریدر انک وسط قلبنده خردل مثالیدر خصوصاً
 ﴿وایعنی ارضی و لا سمانی الا قلب عبدی المؤمن﴾ حدیث قدسی
 بوکاشاید کافیدر و شیخی بر مرتبه تفهیم ایده که اگر شیخ اولیمه روی
 زمینده بنی ر بیه و اصل ایده جک شیخ یوقدر دیو اعتقاد ایده و بلکه
 ملاحظه قیلکه که بو عالمده بر احد موجود اولیموب حق جل و علا دن غیر
 شی باقی دکلدر و ر بیه واسطه اولان شیخدر پس ایدی موجودات
 باسره کند و مشاهد سندن معدوم اولد یعنی خلاق کند و یه لوم
 ایتدیکی حالده جمله اشیا کند و نظرنده معدوم مشابه سنده اولد یعنی
 بنا کمنه نک طعن و لومندن خوف ایتمیه و دخی مرشدندن غایتله

خوف و خست او زره اولوب عنایتی رجا و طمع دن خالی اولمیه
 و مال و اولاد دن بلکه روح دن زیاده مرشدینه محبت ایلیمه
 و کند و نمک سعادت مرشدک رضا سنده و شقاوتی مرشد کند و سنی
 طرد ایلیمکه اید و کنی یتیم ایدوب بلکه مرشدینی شیخنک شیخی اوزرینه
 تقدیم ایلیمه زیر امرشدی کند و سنی طرد ایلیمش اولسه شیخنک شیخی
 دخی انی طرد ایتیش اولور و هکذا رسول الله صلی الله تعالی علیه وسلم
 مسلسل اولد یعنی حالدیه زیر انانیک رضا سی منوب عنک یعنی
 رسول الله صلی الله تعالی علیه وسلم رضا سی و جید ریس رضا سی
 مرشد بالواسطه رضا الله و مرشدک طرد ایلیم حق تعالی نمک
 طرد ایلیمیدر و دخی مرشدک حضورنده و غیبتنده قهر و سطوت دن
 استراز و یتقط او زره اولمق لازمدر زیر اهل الله جوابیس
 قلوبدر و حق جل و علا انلری مریدک افعال و خوا طریقه مطلع ایلر
 و اگرچه مریده اطنسار لری نادر اولور اما افعال مرید انلره خفی دکلدر
 و مرشدک ضحکنه و ظاهرده حسن معامله قلمسنه مغرور اولمیه بلکه ظاهر
 معامله سنی کند و دن قطع ایلیمسنی شیخندن رجا ایلیمه زیر انلرک
 بعضیلری مریده ظاهر معامله سی ایدوب باطندن محسوسم ایدر
 و مرشد دن تعظیم مأمول ایتیمه زیر امرشدک تعظیمی مریده سمدر

و مریدی اجنبی عد ایلیمیدر و مرشد مریدی تحقیر ایلیمک انی تربیه
 اچوندر و مریدی جمیع احوال و اعمال سنده امتحان دن خالی اولمز
 حکایت اولنور که بر شیخ مریدینسه امر ایلیمشکه حجره بابنی آچوب
 سوپروب دوشمیه سن و اول طرفده کورینسان نواندن صاغ
 جانبده او تورمش و شوکونا اواب کیمش اولان خاتونی حجره یه
 چاغره سن حین دخنلنده بن دخی حجره یه داخل اولورم بر ساعت
 قدر قیوی او زمره قیایوب اند نصکره فتح ایده سن و مرید دخی امری
 او زره ایلیمش خاتون حجره دن طشره چقد قدر نصکره مرید طریقه سابقه
 او زره مستفیض و قلبنی مرشدینک قلبنه مستحضرا اولد یعنی حالدیه
 حضورنده طورمش و مرشدی دیمشکه بو وقوف و استفاضه دن
 نه فائده حاصلدر حالبو که بنم فعلی کوردک بو نصکره بنسده باطندن
 برشی قالدیمی مرید جواب ویر که نعم بن کلا اول فیضی بولیورم
 و اعتقاد ایده رم که فعلک حکمت و مصلحت دن خالی دکلدر و بوکا هر لحظه
 شاهدیم واردر زیر اسرزدن تاثیر و تصرف کوررم بعده مریدک
 بو شبانی شیخ حضرتلری استحقان ایدوب وار اول خاتونه سوال ایلکه که
 بکا قرابتی وارمیدر دیو موکدا امر و تنبیه پورمش مرید خاتون دن
 سوال ایلکه که بن حضرت شیخک همشیره سی یم صله رحم اچون کلوب

خلوة منتظر اولمشیدم دیو جواب ویرمش ای اخوان مادامکه شیخدن
تأثیر و تصرف کوره سزا فعال واقوانسه اعتراض ایتیه سزواکر
قلبکزه برخطره ویا اعتراض خطوراید رسد در عقب اذن توبه واستغفار
ایده سز زیر اول خطره در ساعت سم قائلدرو اهل الله اعتراض
بانی کشاداید نرسو خاتمه اوزره فوت اولد قلیخی ارباب کشف
ووجدان تجربه و امتحان و اصحاب تحقیق و ایقان تحقیق و بیان
ایتمشلدرد **﴿﴾** اعیان الله تعالی من تویل النفس وکید الشیطان **﴿﴾**
و بوبابده وارد اولان احادیث قدسیه و لایله اهل الله اعتراض ایدن
کمنه لابد کفر اوزره فوت اولد جنی بعض کتابلرده مذکور درودخی
دیدیلر که اگر مرید شیخندن بحسب الظاهر خلاف مشروع بعض امور
مشاهده ایله قصه حضرت موسی و حضرت خضر علیهما السلام قتل غلام
و خرق سفینه و سایر یدرائمک ظاهر و باطنی تذکرا یتون که یا معصیتی
مرشددن و یا خودانی معصیتدن منع ایدر زیر اولایت ایچون عصمت
شرط دکلدر بلکه انبیا علیهم الصلوٰۃ والسلام حضراتنک معصوم
اولملرنده اختلاف وارد و اصح اولان انبیا حضراتی معصوملرد
ودخی ولایتده عصمتک عدم اشتراطنه دلیل اصحاب رسول الله
صلی الله تعالی علیه وسلم رجم و قطع کبی حد و شرعی ثابت اولدیغیدر

ومع ذلک صحابه نیک ادناسی ولی اولوب اولیانک افضلندن افضل
وصفت ولایتده اقوی درودخی بایزید بطامیدن قدس سره
سؤال اولندیکه مرشد اولان شیخ زنایه کرفشار اولور می پور دیلر که
نعم اولور **﴿﴾** وکان امر الله قدر مقتدر **﴿﴾** لکن انکر ذنوبه
اصراردن محفوظلرد و تضرع و توبه واستغفاره مبادلرد و بلکه بعضا
معصیت سببیلکه کثرت تضرع و ایهال و ندامت و انفعال و بکا
و ملاله مبادرت ایتد کلرندن درجه لری مرز داد اولور بوببله ابن عطا
حکمه دیمشدر که **﴿﴾** معصیه اورشت ذل و انکسار اخیر من طاعة
اورشت عزاد استکبار **﴿﴾** و کذا دیمشدر که ولی تائب ولی
معصومدن افضلدر اگر صفت و اعمالده مساوی اولور لسه و دخی
بوزمانده اصحاب طریقتدن بری اکل لذیذ و شرب بارد و بلس
شیاب حسن ایلدیکنی کورسه لر بولرک کلکی مباح شرعی و ضرر و زیاندن
بری اولوب و اول صاحب طریقتک تصرف و آثاری دخی
کاشمش فی وسط السماء ظاهر و آشکارا یکن اکا نکار و حالنه اعتراض
ایدر لرودخی بعض نسخ حاشیه سنده مذکور در که اما بومشملو اهل
طریقه تصرف و آثار بولمنزه حالنه اعتراض و انکار واجب
اولور زیرا بوزمانمک اکثر شیخلری سراب صحرا مشملو اولوب

تشنه دل اولان مرید لری شراب ارشادی اسقایه قابل اکلر لر
چاکنه ملاقی اوله لر برشی بولیوب از دیا د عطش دن غیر شی کور مز لر
زیرا اول تشنخ لری شراب جهالته و ورطه غفلت و بلا ته ده در
و کند و لری بو حاله ایکن شراب حقیقی بی نجه اسقا ایده پلور لر
انتی ﴿ و بواکار و اعتراض کند و راینه اعتماد دن و بویله ولی
اولور می دیو عقلیه ولی ریاضتکش اختراع ایتکدن نشأت ایدر
ومع هذا اولیاء اللہک عوام و عاده مخافت احوال لری اولوب
ضرر ویر مز بلکه مناهی بی ترک ایله فرائضه اقتصار ایلسه کذلک
ولایت منافی دکلر زیر امام سلم روایتله نعمان بن قوفل حدیثی بوکا
دلاست ایدر که نهیادن اجتناب و فرائضه اقتصار ایلسه م جنته داخل
اولور می یم دیو رسول اللہ صلی اللہ علیہ وسلم سوال ایلد که نه نعم
پور مشرودخی پیغمبریز صلی اللہ علیہ وسلم ﴿ انما انا بشر مثکم اغضب
کما يغضب البشر ﴿ پور مشرود قرآن کریمه ﴿ قل انما انا بشر
مثکم ﴿ پور لدی و بعض اولیاد میثدر که ﴿ اولیائی تحت قبائی
لا امر منم غیری ﴿ حدیث قدیسنده اولان قباب لفظی ایله مراد
انجق صفت بشریه در پس ایدی بروایده تاثیر و تصرف کورلد که نصکره
سنتلردن برستی ترک ایلدیکدن و تری و یا خود مباح شرعی بی

ایان ایلدی دیو حاله اعتراض ایتک فرط جلدن نشأت ایدر
زیرا اولیدن برکمنه تاثیر کور دکه کان هر حینده ولایتنه
شهادت ایدر شاهی تقبیله حامل اولمغله خار جدن شایده حاجت قالمز
بلکه مباحه اعتراض عادات جاهیه دندرتکم حق جل و علا جاهیه دن
حکایه پورر ﴿ ما لهذا الرسول یا کل الطعام و میشی فی الاسواق ﴿ الایه
وقالیکه مرید مرشد یله برابر طعام ایتیه و لباسی کیمیه واکا مخصوص
اولان کاسه دن صو اچیمیه و دابه سه را کب اولیه و مکانه اوتور میه
مکرکه بونلردن هر برینسه امر ایتیش اوله و مرشدک جمیع اعمالنه
تقلید ایلیمیه زیر بعض محققلر دیمشدر که هر کیمیکه مرشدینه جمیع احوالده
تقلید ایده زندیقدر زیر اهل اللهد افعال اولور که محض قدر تدن
نشأت ایدر و سکر و مغلویت حبیلده در و انلرده بعض افعال واردر که
حکم و مصالحه منیدر شکیم منصور و بایزید بطامیه قدس سترهما
سکردن ناشی و خضر علی السلایه حکمت و قصد مصلحتدن و تری واقع
اولشدر اگر برکمنه الملک فعللرینه تقلید ایدر سه ملحدردن و مالکیندن
اولور و مرشدک زجر و تعزیری اکر اه ایتیموب بلکه لطف و مصلحت
عدا ایلیمیه و الامواخذ و انوب حالی تنزل ایدر و توبه و استغفاره
محتاج اولور و مرشدک وفاتندن صکره زوجه سنی تزوج ایتیمیه

و دایه رکوبندن اول بنمیه و نزولندن اول نزول ایده و اگر
 مرشدک خادجی ایسه اندن اول او یومیه و حشرده پست خلایه
 کیدر کن خلایه قریب طور میه و صحرا ده دخی قضاء حاجت کیدر کن
 کند و بی کوره جاک محله طور میه و خلا سنده قضاء حاجت ایتیه
 و الحاصل مرشدک استعمال ایلدی کی نسنیه و مرشدینه تعظیما اول شیئی
 استعمال ایتیه و هر نه سوال ایدر سه کتم ایتیه و ذنبی دخی اولور سه
 مرشدینه سولیه و قلب سنده اولان خطر هی مرشدندن اخفا ایتیه و
 اول خطر مرشد حقه سنده اولسون و یا طریقت دیر اولسون و کرک
 محفوظات نفسیه متعلق اولسون توبه و استغفار ایلد ازاله سنده
 قادر اولد مدیننی حالده اندن دفع ایلمک ایچون علی الفور مرشدینه
 عرض ایلد و اگر ازاله سنده مبادرت ایتیه اول خطر قلب سنده
 اولد قجه باب فیض اندن سدا و نور و احوال باطنی مرشدک
 غیریدن کتم ایلد و مرشدینه فور اظهار ایدد و الا مرشدینه خیانتی
 سبیلده اول احوال کندن زائل اولور و مرشدک محبت ایتدی کی
 کمنه یه محبت و بغض ایتدی کمنه بغض ایدد و اهل بدعتدن و ارباب
 غفلتدن و منکر لردن ابد اتجنب ایدد زیر ادنیله کمنه اجانبندن
 ارسلاندن قچار کبی فرار لازم و دخی آتشدن صاق نور کبی قایمق

لازم ایدد کی مریدر زیر الملک قساوت قلبی مرأت مریده منعکس
 اولوب صواتشی سوندردی کی کبی نوری اظفا و حضوری مشوش ایدر
 و غفلت و قساوت و ذکرده بطالت قلبیه سبب اولور و بعضا اولور که
 قلبی ذکردن منع ایدر و دخی منکر لردن طعامندن میسه زیر ادنیله کمنه
 اول طعام قرق کون باب فیضی سدا ایدر بلکه مخلص اولانک طعامندن
 اکل ایدد که آنک مصلحی ظاهر و متوضی اولد و اگر اصل حضوردن
 اولور سه افضلدر و بود ذکر اولنان قیود اول طعام حلال و شبهه دن
 خالی اولد یعنی صورته در و اکل و شربده بر لقمه و کرک بر جرحه ما دخی
 اولور سه اسرافدن و حرص و شره ایلد یکدن و قلبی غافل ایکن طعام
 ایتکدن احتراز ایدد زیر اغفلت لقمه سی غفلت کتور حضور لقمه سی
 حضور ایراث ایدر و دخی نفسی غضب و ضحکدن محافظه ایلد زیر
 بونلر نسبت نوری اظفا و قلبی امانه ایتکده صوکی آتش تاثیرندن
 اسرعدر ایددی غضب و ضحک اولد یعنی محلدن مکان آخره فرار ایدد
 و دخی مناهیدن فضله هر بر مالایه یعنی بی ترک ایلد زیر حدیث
 شیر افده من حسن اسلام المرء ترک مالایه یعنی پور لمشدر
 و بونلرک کلیسی روز جزاده حضور حق عرض اولنه جفندن شرم
 و حیا ایدد و چونکه عمر عزیز و وقت جوهر نفیس و فرصت غنیمت

و ملک جبار دن مهلت عیدم اولغله هر بر لطفه بی اندن انفس اولان
 ذکر الله و حق ایلده حضوره صرف ایلیمه بلکه نفسی کفنی اوز رنده میت
 و مزاره کیرمش عدایدوب رحا لحاله مجرد ذکر الله ایلده اشتغال اچون
 مزاردن خروجه ماذون و بهر آن یکنه مکانه رجوع امری محتمل اید و کنی
 ملاحظه قیله نتسم پیغمبرین صلی الله تعالی علیه وسلم واسطه مزاولان
 مرشد من حضرت ابی بکر الصدیق رضی الله عنه و روحی فداه حقنده
 من اراد ان یظفر الی میت یشی علی وجه الارض فلینظر الی ابی بکر
 الصدیق پور مشدر یعنی هر کیم که یروزنده یور ریمته نظرا یتمک
 دیلر ابی بکر الصدیقه رضی الله تعالی عنه نظرا یتسئون و دخی
 کن فی الدنیا ببدنک و بقلبک فی الاخرة و وارد اولدی
 و بو معنایه اوچ کره اشارت ضمنده رسول الله صلی الله علیه وسلم پورر
 کن فی الدنیا کاکمک غریب او عابر سبیل و عذتک من اصحاب
 القبور و حق جل و علاکم انکم میت و انهم میتون قول
 شیرینی فی الجمله بو کار مزدا شار تدر و الله یمدی من یشاء الی صراط
 مستقیم و اما ادب رابع که مرشد ایلده مکالمه ادبی ایدی مرشد ایلده
 مکالمه ایده بکی وقت اندن استیدان ایدوب مرشد نا خوش اولان
 بر امر مکروه و وقوعندن احتراز اصوتنی اشاعی و یواشجه ایلدی کی

حاله استعاده ایدرک عبیدک سیدی حضورنده سویلدی کی کبی تکلم ایلیمه
 زیرا حق تعالی بعض اصحابی مرشد حقیقی ایلده کلمه تادیبا لا ترفعوا
 اصواتکم فوق صوت النبی پور مشدر و مرشدک لطفنی قلب و لسانیلده
 تصدیق ایدوب لفظا و کرک قلبه خطورالم لا ایلده مقابل ایلیمه زیرا
 ارباب تحقیق دیمشدر که مرشدده لم لا ایلده مقابل ایدن مرید ابد
 افلاح اولمز زیرا اهل الله بعض امور وارد که محض قدرت
 حقندن نشأت ایدر و بعض امور دخی حکمته بمنیدر پس ایدی مرشدک
 فعلندن و کرک اول فعلک سبب و حکمتندن سوال ایلده تعرض
 ایلیمک آدابدن اولیوب بلکه همان حضور قلب تصدیق و سکوت
 لازمدر و مرشد ایلده تکلم مطلقا جائز دکلدر مکرر که بر مشکلی حل و یا خود حالنی
 عرض اچون اولده دخی کوردیکی رؤیایی و یا خود کشفی حکایت ایدوب
 مرشدی تعمیر ایلیمه تعمیرنی طلب ایتیمه و ابد مغیباتدن سوال ایلیمه
 زیرا اول مغیبات مرشدده منکشف اولدیغی تقدیرده احتمالد که
 اظهارینس ماذون اولیمه و اگر کنس و سی اظهار ایلیمش اولسه یا اظهاره
 مأمور اولد یغند مذرا دیله اولسه اکا نقص و سئل یوقدر و یا خود
 اظهاره ماذوند رکن اظهارده امر دینس راجع بر مصلحت کور مشدر
 ایدی مرید اولان کمنه مرشدینی و اندن صادر اولان افعا لک کلینی

اعتقاد و تصدیق ایلمک واجب اولور و دخی کرامت افضلیته سبب
 دکلدر بلکه افضلیته مدار اولان قوت یقین و عرفان و کرامتک
 صدوری اکثر حالده زاهد لردن و مجملر دندرو عارفلر ایسه کرامته
 التفات ایتیموب حیض رجالدن عداید لرودخی سید الطائفة جنید
 قدس سره پورر لکر رجالدن صوا و زره یوریشلر واردر و انلردن
 افضل اولان عطشان فات ایتشدرو بود کور اتمک کلیسی بسوطاده
 مفصل و مسطور درودخی هر بر امور و اشغالده مرشدندن استیدان
 ایلمه زیر اذن مرشده برکت حاصلدر ویتی غسال نچه تقلیب ایدرسه
 نفسنده اولجه مسلوب الاختیار اوله و مرشدندن حال و قال و مانای
 کیزلیم و سفره عزیزمت ایچون مرشدندن استیدان ایدوب
 حین رجوعنده خانقاهک قیوسی اوکنده نزول و مرشدک اذنیله
 ابله رجوع ایلمه و اگر مرشدکنند و نمک یا نه کلورسه قالمقوب
 کیدر کن امر تشیعه مبادرت ایدوب رجوع ایلمه دیوا امر ایتدیکی
 محله دیدنی تقبیل و اندن مستفیض اولدیغی حالده کوزندن غائب اولنجیه قدر
 مکانده طور و بانده فکرمه مکنه رجوع ایلمه و الحاصل مرشدینه
 سلاطینه لایق تعظیم ایلمه و اگر سلاطینی کور مدینه تعظیم سلاطینه واقف
 اوللردن ادبی سوال برله عمل ایلمه و السلام اما ادب خامسکه

مرشده خدمت ادبی ایدی ایشو خدمت یا بدن ایلمه اولور و یا مال ایلمه
 اما بدن ایلمه خدمت اولدر که مرشده خدمت رسول الله صلی الله
 علیه وسلم بلکه حق جل و علایه راجع اولدیغنی اعتقاد ایدوب
 اول خدمتی کند و سنه جانب حقندن بر نعمت پیله و بو توفیقه مظهر
 و اول خدمت مختص اولدیغنه ممنون و متشکر اوله و قلبنده مرشده
 اتمان ایلمیه زیرا اتمان سهر و اجسرنی صنایع ایتیمک مقرر در
 اشته خدمت ادینک بو نوعی بحسب الاعتقاد در اما بحسب العمل خدمت
 ادبی اولدر که مرشدک امر ایلمه کی نسنه بی اصلا تاخیر ایلمیه و لو که
 قطع رأسی ایچون اولورسه ده و هیچ بر عاتله تعلل ایتیمیه مکرکه علت
 شرعیله و اگر بر شیه تعهد ایتیش ایسه هلاک اوله حق اولسه پیله
 تحلف ایلمیه و نفسنک مصاحی اوزرینه انی تقدیم ایدوب مرشدک
 مقرر ایتدیکی وقتدن بر لحظه تاخیر ایتیمیه و مرشدک همت و مددی
 اول خدمت امداد ایدوب انکله وجوده کلور و خدمتدن همان
 خادم و تمثیل اولمقدن غیری شی قصد ایتیمیه و اگر قرب و فتوح و ولایت
 و سایر نندن کند ویه بر غرض عارض اولورسه اندن استغفار ایلمیه
 و اقوی اولان بودر که حق تعالی کند و سنی کان مرشد ایچون خلق
 ایلمش اعتقاد ایتیمکدر بلکه نفسنی موجود کور میه که خدمت اکانسبت

اولمیه و دخی مرشدک مجلسه او تورمیه و یا نسه اکل و شرب
ایلمیه و حضورنده باشنی آیمیه و اورتوسی آتسنده و حضورنده
او یومیه و مرشدک فرشی اوزرنده و حضورنده نازه طورمیه مکرکه
مرشد صلوته مشغول بولنش اوله و یا خود اولد یغنی مکان سجد ایسه
لاباسدرو انا ضرورت شرعیه که فوت صلوته استمالی اولور سینه
باس یوقدر و کند و سنی مرشدک خدمته غیر لایق کور و ب مأمور
اولد یغنی خدمته نفسی مقصر پله و شجاک محتاج اولد یغنی مصالحی
امینه حاجت بر اقمیه رق و خاطرنه کلکسزین کور که سعی و دقت
ایلیه زیر ا بومنوال اوزره خدمت ایلمیه مرشدک قلبنی اراحه ایتیش
اولور و بسط خاطرنه سبدر بلکه مرید و وسط قلب مرشده داخل
اولمغه باعث اولور ایددی جمیع باطن مرشد مریدک قلبنه منعکس
اولوب بوسبله فیضده زیاده دوام حاصل اولور و مرشدک خدمتی
غایت سرور و شائسته ادا ایلیه و تقیب خواجه عبد الله هروی
قدس سره خدمته بوا و صاف ایله موصوف اولوب مرشدینه
خدمتی بسبیل حد و صفدن بیرون مجموعیت و قبوله و اصل اولد یغنی
کور مشرد و جمیع خلفا کا غبطه ایدوب اطراف و اکنافدن هر کس
امینه مطیع و منقاد اولمشلرد و اما مرشده مال ایله خدمت ادبی

اولدر که حق تعالی ناک کند ویه ویردی کی جمیع مال و اولاد عالم از لده
مرشدک روحانی برکتته اید و کنی اعتقاد ایلمیه هر نقد ربو عالمده
طنوری متأخر ایسه ده و بولمرک کلیسی مرشدک اولوب کند و سی
انک مملوکی ویدوکی و کیدکی مرشدک کر مندن و ظل عنایتندن
اولد یغنی پله قالدیکه مرشده برشی ویردی کی حالده مرشد نخل اوله حق
محلده ویرمیه اکر ام و نعمتی مرشده اظهار قصد ایتیه و بالذات
مرشده ویرمیوب خادمه تسلیم و کند و سندن قبول اولمق ایچون
ظاهرا و باطنا حق تعالی حضرتلرینه تضرع و استناد و مرشدینه
التجا ایده و اول سنه بی مرشدینه و شیو خندن اولان مرشد لره
نذر ایلمیه قبول یونسندن اقوی و ریادن ابعدر و مالکک زیاده اصفا
و ازکاسندن اولوب قبولی کند ویه منت و نعمت عدایده و بومقابلده
حق تعالی یه شکر ایلیه و دخی حکایه اولنور که مشایخن بری اقصاء
وقت و حال ایلمیه کما پیک التون لازم اولدی دیوب مرید لرندن
برای ایشد کده در حال خانه سنه و اروب باباسندن نمقدار نفود
میراث قالد یغنی والده سندن سوال و اول دخی پدر کدن پیک
دینار قالدی فلان محله محفوظلردیو اخبار ایلمده اولمقدار
التونی آلوب شیخک خلوتنه وارمش ویدینی تقبیل ایلمده نصکره قبول ایچون

شیخه تضرع و التجا ایدوب بعد القبول حضور شیخه جمعیت واقع
اولغله شیخ حضرتلری بوجوانک همتنی استحسان ضمننده اهل مجلسه
اطهار ایلش و بوقضیه مریدک مسموعی اولدقده همان قالمقوب شیخک
یدینی تقبیل ایدرودیرکه سزه ویردیکم التونلره والده مک رضاسی
اولمدی ینسه رد اولمنسنی رجا ایدرم شیخ حضرتلری دخی خانه سندن
کتوروب کیروردو تسلیم ایلدکده اهل مجلس مریدک بو وضعنه
تعجب ایتشلر و اخشامد نصکره مرید آلتونلری آلوب شیخک خلوتنه
واروب دیرکه ای بنم شیخ اول التونلری ملا ناسده بنی مدح و ثنا
ایده سندر دیویر مامش ایدم و خلق آراسنده بو کلمه ممنون اولمکری
مراد ایتدم و اول سبدن اهل جمعیت حضورنده نفسی تقبیح ایدوب
شمدی ینسه کتوردم بومنوال اوزره شیخه تضرع ایلدکده شیخ حضرتلری
مریدک بو وضعنی تحسین ایدوب انی افضل معتبولیندن قیلش
و حدیث شیریفده ﴿لکل امرء ما نوى و انما الاعمال بالنیات﴾
پورلدی صدق سید السادات و منبع الجود و الکرامات ﴿و اما
ادب سادس اخلاص و طاب و لاجل الاستفاضه استحضار قلب
کیفیتنه دایر ایدی و اما اخلاص مرید ثول مرتبه اوله که مرشدی
رسول الله صلی الله تعالی علیه وسلم نابی و ظل الله فی العالم اولدیغنی

پایوب مرشد کندوسنی رد ایدرسم الله تعالی و رسولنک رد ایللمسی
و قبول ایدرسم کذلک الله و رسولنک قبول ایللمسی ایدیکنی اعتقاد ایلیمه
ودخی بالاده مرور ایتدیکی و جمله برمریدی شیخی رد ایدیکجک شیخک
شیخی دخی قبول ایللمسوب حتی رسول الله صلی الله علیه وسلم منتی اولنجه هیچ
بری قبول ایللمز پسله و مرشدده بر روحانیت وارد کر جمیع احوالده
مریددن منفک اولمز حتی خوانمزدن بعضیلری روحانیت مرشد
اوز لرلنده حاضر و کندولره ناظر اولدیغنی کوردکلر چون او نخوده
پسله ایاق اوز اتمزلر و اکر برمرید بو حالتی کورمزسم کوررکی اعتقاد
ایلمون زیر ابو عقیده مقتضایه تأدب ایتدیکچون کورش اولان
مرید ایل فیضده مساوی اولور بلکه روحانیت مرشد حالت نزعده
و قبر سوالی زماننده مرید عننده حاضر اولوب جواب منکرینده
امداد و تسلیت ایدوب شیطان اندن فرار ایدر زیر ذکر اولندیغنی
و جمله روحانیتده حجاب و ماده و مدت یوقدرود دخی خوانمزدن
بعضیلری وفات ایدن مقرب مریدک قبرینسه توجه ایتدکده روحانیت
مرشدی قبرنده کشف ایلد کوروب اکامداد و تسلیت ویردیکنی
و روع و دہشتنی تسکین ایلدیکنی مشاہدہ ایتش و ذکر اولنان حالت
قدرة الله را جمع در قدرت حقہ ایمان ایتیمک ارکان ایماندر

و بوشلوشیده عقلک تصرفی اولما مغله همان بویله ایمان و اعتقاد
لازم در حق تعالی مرشدینه غیبتمده واقع اولانی کوره جاک
ایشیده جاک کوز قولاق ویردیکنی اعتقاد ایلمیه هر نقد مرشد
کند و سنه اظهار ایتمزنده ده اولیله اعتقاد ایتمک کرکدر زیر
حدیث قدسیده ﴿لَا يَزَالُ الْعَبْدُ يَقْتَرِبُ إِلَىٰ الْإِثْمِ حَتَّىٰ أَجِبَهُ فَإِذَا
أَجِبَتْهُ كُنْتَ سَمْعَهُ الَّذِي يَسْمَعُ بِهِ وَبَصَرَهُ الَّذِي يَبْصُرُ بِهِ﴾ پورلدی
و بر روایتده ﴿فَبِي سَمْعٍ وَبِي بَصَرٍ وَبِي يَطْشُ وَبِي يَنْطِقُ﴾
وارد اولدی و حق جل و علائک ﴿وَأَرْمِيتَ أَذْرَمِيتَ وَلَكِنَّ اللَّهَ
رَمَىٰ﴾ قول شیرینی بومعنایه رمز داشتار تذروا کر بویله اعتقاد
اید رسه مرشدک فیضی شرقدن غریبه ممتدا ولوب مرید زده
اولور سه مرشدک فیضی لجه لینه داخل ایدیکنی پلور ایددی اخذ فیضک
محتاجی انجق بویله ایمان و زیاده سیمله طلب ایتمک درودخی اهل
کشف و رؤیت اولان مرید نور مرشد شرق و مغربی احاطه ایلمش
کور و اکر بر مرید بوندن نقص کور رسه نقص وضعف انک
کشفنده اولوب مرشدینک نبتنده دکلر و کذلک ثویله اعتقاد
ایده که مرشدینک نومی کند و نمک احیاء لیلندن واکلی صومندن
افضلدر و مرشدک بر نفسده ترقیسی بتون عمرنده سلوک ایدنک

ترقیسی مقصد ایدر دوانده اولان نظرایله برکمنه یه نظر ایلمش اولسه
جنید بغدادی و بایزید بطامی قدس سرهما مقامنه ایصال ایدر
و منظور اولان کمنه افسق فاسقیندن ایسه ده مقام عالی یه واصل
اولور پله و بونظر سیری تحریری ایده زیر ﴿الْمُؤْمِنُ يَنْظُرُ بِنُورِ اللَّهِ﴾
پورلشدر و الله علی کل شیء قدیر و اما کیفیت طلب اولدر که عن صمیم
القلب مولی سنی طالب و تشنه دل اولدیفنی حالدیه مجبته واثق اوله
بر حقیقتله که اول طالبانی مال و جاه و منصبنه و اهلنه و جمیع مملکنه
بلکه وجودینه نظر و التفادن فانی قیله زیر ﴿إِنَّ اللَّهَ تَعَالَىٰ يَحِبُّ
عَوَالِيَ الْإِهْمِ﴾ پورلشدر و دخی قطعاً طلبنه اعتماد ایتمیوب بلکه مجرد
فضل حقه اعتماد ایلمیه زیر طالبی و اعمالدن بر عملی فضل حقه برابر
اوله مزد طلب و عمله اعتماد ایتمک مقابل و نظیردن منزله اولان
حق جل و علائله نوع مقابله دیمک اولور و دخی ﴿رَأَيْتَ الدَّهْرَ
وَالْعَقْبَىٰ بِحُورٍ﴾ شربت الکل فیضاً مارویت ﴿مَنْهُومِ أَوْزَرَهُ
طَلَبُهُ حَرَارَتِ وَتَشْنَعُ لِكِي هِنَايَتِ دَرَجَةِ اَوَّلِهِ وَكَذَا اَبَدًا بِرُحْطَةِ حَقِّ
تَعَالَىٰ فِي طَلَبْدَن غَافِلٍ اَوَّلِيهِ زِيَرًا مَرِيدًا اَوَّلَانِ كَمَنْهَ جَنَابِ حَقِّهِ تَوَجُّهٍ
اَيْلِدِي كِي حَالِدِهِ غَيْرِي شَيْ طَلَبِ اَيْلَسِهِ تَوَجُّهٍ وَاقْبَالِي مَاسُوِي اللّٰهُ اَوَّلُوبِ
مُولِي سَنَدَن اَعْرَاضِ اَيْتَمَشِ اَوَّلُور زِيَرًا حَقِّ جَلِّ و عِلَّا حَضَرْتَمِي

برشیده شرکت قبول ایلمز و طلبه توقف ایتمیه که انده مخافت دارد
 بلکه خسران و تضییع در زیر ادینمشد که ﴿من استوی یوماه فهو
 مغبون﴾ یعنی برکمنه نمک ایکی کونده اولان عملی بر برینه مساوی
 اولوب یوم ثانیده اولان عملی اولکی کوندن زیاده اولمز سه اهل
 خسراندر و کذا دینلید که ﴿اذا لم تکن فی الزیاده فانت نقصان﴾
 ودخی پیغمبر صلی الله تعالی علیه وسلم حضرت لری ﴿اللهم انی اعود
 بک من الحور بعد الکور﴾ پورشد حور نقصان و کور زیاده دیمکدر
 و طلبه توقف ایتمک ایکی سبدن خالی اولمز بری اولدر که اکثر یا
 صاحبته مکتوم اولان مطلب آخره قلبک توجه ایلمسیدر بری دخی
 ارتکاب معصیتد بر بصورتده علی الفور توبه و استغفار و حق جل و علایه
 تضرع و التجا ایله انابت لازمدر و اما لاجل الاستفاضه استحضار
 قلب کیغیتی اولدر که خیال و حواسنی دنیا و اخرادن و جمیع احوال
 باطنه دن بلکه وجودندن قطع ایدوب جمله ماسوایی ناسی کبی اوله
 و مرشدک قلبسندن فیض الهی طالب اولدنی حالده نظیرین عمق
 قلبنه القا ایدوب قلبنی مرشدک قلبنه متصل و فیضی جالب ملاحظه
 قیلر بر وجهه که ذات مقدس جل شانہ دن غافل اولمیه رقی غایت
 تعطش و طلب و تضرع و محبت ایله منتظر اوله و ثوبله اعتقاد ایدیه که

قلب فتح اولدقه فیض الهی ابحار مثالی قلبه توجه ایلدی و کندوسی
 هر نقد را در اک ایتمز نه ده اولیجه اعتقاد ایدیه زیر ادر اک وصوله
 شرط دکلدر بلکه شرطی طلب و در ساعت وصولی ایقاند روح
 جل و علا ﴿انا عند ظن عبدی بی﴾ پورشد روانه بیدی
 من یشاء الی صراط مستقیم ﴿اما ادب سابع که ورد و ختم و زیارت
 ادبی ایدی اما ادب ورد اولدر که آبدست آلوب خالی و فارغ
 مکانه قبله یه متوجه اولدنی حالده عکس تورک اوزره او توره
 و خارج و شواغلدن حواسنی قطع ایدوب بش و یا اذن بش و یا خود
 یکر می بش کرده استغفار ایدیه صکره غایت ذل و مسکنت و اعتراف
 قصور و انفعال ایله تسبول ایچون و ذکره توفیق و اتباع سنت
 و حسن خاتمه ایچون دعا ایدیه و مرشدینک مرتبه سی زیاده اولمنه
 و شیرعت و طریقتک ترویجنده و سنن مصطفوینک احیا سنده
 مرشده توفیق و حسن خاتمه ایچون دعا ایدیه بعدده امام طریقت
 اولان بهاء الدین نقشبند قدس سره حضرت لری نک روح پر فتو طریقه
 فاتحه شریفه و اخلاص قرائت ایلمیه اند نصکره کوز لیرین یوموب
 کندوسی کان تحت اوزره موضوع و ثیابدن مجسمه غسل و تکفین
 اولمنش میت ملاحظه قیلر و دخی بعض مرید لر جسد نه غسالک

یدینی و او موزلر مده کفنی ملاحظه ایله حس ایدر لر و قالیکه اول حالتده
کند و سنی تابوته وضع اولنوب قبره کیرمش پله وقومی و سائر ناس
کند و سندن مفارقت ایتد کلرندن وحدت و وحشته قلوب
جمیع مال و اعمال سندن و اهلندن و دنیا ک نصارت و وسعتندن
مایوس اولوب حق تعالی دن غیر ی بر احد کند و یه نافع اولد یغنی
پله و کند و سنی حضور باریده نهایت ذل و مسکنت و قصور و خجلت ایله
طورر ملاحظه قیله و بوند کور اتی ربع ساعت قدر ملاحظه ایتد ک نصکره
مرشدینه توسل ایدوب اکامواجه اید و کنی و چینی ایله وجه شیر یفنه
بلکه ایکی کوزی آراسنه ناظر اولد یغنی تخیل ایلمیه زیرا مرشدک
ایکی کوزی آراسی محصل فیضد و مرشدن نظیرینی قطع ایلمیه اکر اهل
رؤیتدن ایسه رؤیت ایله و اما ارباب رؤیتدن دکل ایسه وجدان
و یا خود ایتقان ایله نظر ایلمیه اند نصکره رباطه مک نفس خزانیه
دخولنی ملاحظه قیلوب ربع ساعت قدر حفظ ایلمیه اقوی و احسند ر
و اکر ذکر وقتنده مرشدک وجه شیر یفنی قلبنه محاذی و نفسی نفسنه
ناظر ملاحظه ایلمیه اجمع و تفرقه دن ابعدر و دخی باب اولده ذکر
اولد یغنی و جمله اشب و تخیله رباط شیر افه تسمیه قلنور و بو تخیل اکیر اعظم
و نفسی مذیب و شیطانیه مرید و فیاض حقیقیدن فیض الهی یه منبع

و حق جل و علایه وصوله واسطه در بعض محققین رباطه ذکر دن
خیر لودیشلری یغنی بعض بتدیلرک حالتنه نسبتله دیمکد ر ایدری مریدک
اعتقادی شول درجه اوله که مرشدم بنی قبول ایدر سه عند الله
مقبول اولورم و اکر حق تعالی مک درگاه سندن مطرود اولسم مرشدم
بنی قبول ایلمکدن غیر ی بک نجات یو قدر دیو جریم ایلمیه و کذک
امتداد و قبول اچون دوام اوزره مرشدینه تضرع و التجا دن
لابد در و اکر رباطه یی قلبنه انزال ایلمیه جائز در کما مرور رباطه دن نصکره
بازگشت در و بازگشت اولدر که اللهم انت مقصودی و رضا ک
مطلوبه ی لفظنی کما لیله معنی سانی ملاحظه قلد یغنی حالده قلب ایله
و یا لسان ایله اوچ دفعه دیمکد رو بو قوله صدقی تحریری ایدوب اکر
کاذمندن ایسه بونی سویلد یکندن متفعل و متاثر اوله و اند نصکره
وقوف قلبی ایله اشتغال ایده و قوف قلبی اولدر که حواسنی جمع و شواغل دن
و خارجدن قطع ایدوب الله احد لفظ شیر یفندن مراد اولان ذات
مقدس جل شاننه جنبانه جمعیت قلب ایله متوجه اولد یغنی حالده جمیع
نظری و ادراکات ایله اوسط قلبنه و عمقنه توجه ایتمکد رو بو ملاحظه ده
اقلار ربع ساعت مقداری طورر و اکر بو ذن اکثر طورسه افضلدر
و اکر بو حالتده مستغرق و انجیل و نهارینی تعیم ایلمیه مطلقا تعداد ایله

ذکر ایلمک اندن مرتفع اولور زیرا ذکر دن مراد همان مذکور در
ودخی معلوم اوله که وقوف قلبی طریقتک رکنی بل اساس و بناسیدر
و هر طاعتده بل قیام و قعود و اضطجاع کبی کل حالتده و اجبدر
حتی خلایه کیدر کن و وقت قربانده پله لازمدر تنکم ❀ الذین یدکرون
الله قیاما و قعودا و علی جنوبهم ❀ الایه نظم شیرینی بو معنایه اشارتدر
زیر آیه تکریمه ده مراد اولان جمیع احوالدر و اگر ذکر و طاعت
وقوف قلبیدن خالی اولسه بلا روح صورت کبیدر و اعتسار دن
خارجدر و ضبط و قوف نصکره لفظه جلاله فی قلبسندن جریان ایدر ملاحظه
ایدر ک ذکر قلبی یمشغول اوله و جمیع جوارح یله ساکن اولوب بلکه
اختیار و ادراکنی جمیع جسد دن سلب ایلوب میت مثالی اوله و مجرد
حفظ و حساب ایچون نظری ذکر اوزرینسه مرتبط اولد یعنی حالده
قلبنی اطلاق ایلیمه که قلب نفس و اختیار یله مشغول اوله و اگر قلب
ذات مقدس جل جلاله ملاحظه سنه مستغرق اولسه کافی اولوب
استغراق و استهلاكسندن اوتری اسمی ذکر ایلیمه حسن و اقوی در
زیر اذکر دن مراد مذکور ایدوکی سبقت ایلدی ایدی اول عینده قلبی
ایقاط و ذکره ارجاع جائز اولمز زیرا ذکر دخی غیر در و اگر دینی
اخذ ایده جاک مقداری اول حال کندنده ممتد اولور سه وردی ادا

ایتمش اولور و دخی جهله مرید اندن بعضیلری لفظه جلاله فی قلبسندن
و اگر اه ایلله القا ایدوب قلب ایلله ذکر ی پینی اطلاق ایلیمه که قلب
بنفسه مشغول اولوب جمیع ماسوی لادن غیبت حاصل اولنجه مذکورده
توغل ایلیمه حالوکه قلب اگر اه ایلله الی پیک سنه مشغول اولسه مرید
و اصل اوله مزبور حاله مؤدی اولمز زیرا حضرت علی کرم الله وجهه
ورضی الله تعالی عنه ❀ القلب اذا کره عینی ❀ پور مشدر و دخی
معلوم اوله که هر نه زمان قلب ذات مقدس جل جلاله حضرت تکرینی
بلا مثل ملاحظه یم توغل ایدوب صکره بعض خیالات عارض اولمسیله
حضور دن فتور کلسه ذکره عودت ایلیمه تکرار توغل و آثار غیبت حاصل
اولسه غیبت تسلیم اولوب ذکر ی ترک ایده و بلم جزا و هر بر یوزده
و یا و سوسه عارض اولد قد ❀ اللهم انت مقصودی و رضاک مطلوبی ❀
قولنی تکرار ایلیمه و اگر و سوسه مندفع اولمزسه مرشدک قدم شیرینی
قلبسندن وضع و رابطه یمه متوسل و بملاحظه ایلله ذکره اشتغال و قلبسندن
و سوسه مندفع اولنجه دکن تدبر معنا ایلله مرار استغفار ایدوب
رابطه ناک و جبی کند و قلبسندن مواجه اولد یعنی ملاحظه قیله و اگر
انقباض غلبه سیله قلبسندن غفلت و خطره حاصل اولورسه مابار دایله
غسل ایلیمه و اگر بر علتسندن اوتری بار دایله غسله قادر اولمزسه حرارتی

زائد ما ایلہ غسل ایلہ اندنصره هر بر غفلت و خطرہ دن ورپسی و مرشدی
حقندہ ترک ادبدن و سائر زلاتدن یکرمی بش کره استغفار ایدہ
و ایکی رکعت صلوة توبہ قیلہ و اول خطرہ لر دخی ذات باری یہ مرات
و مظاهر اولدیفنی ملاحظہ قیلہ زیر اخطرات دخی موجود اندندرتکم
❦ لا تنکر الباطل فی ذاته ❦ اذہومن بعض ظنوراته ❦ دینمشدر
و قلییلہ صحیحہ ایدوب یا فعال اسمک معناسنی ملاحظہ ایتدی کی حالہ
بد کثیروتشدید ایلہ ند ایلہ و دخی شیخ ابی الحسن الشاذلی دن رحمہ اللہ
روایت اولنور کہ ❦ سبحان اللہ الملک الخلاق ان یشائذہبکم ویأت
بخلق جدید و ما ذلک علی اللہ بعزیز ❦ دیمک کر کہ رفیقربونی تجربہ
ایتیم بو ضررک بر لحظہ ده دفعنہ اکیر بولدم و کذا جسر یانی صدالی
اولان صوباشندہ طور مق و ریح صوتنی استماع ایلمک معالجہ تذکر
دینلدی زیر امیہ ایلہ ریح بغیر تخلل و لا انقطاع بیط اولہ رق
اسم ہو ذکر ایدر لر و طاحون صوتنی دخی معالجہ تذکر دینلدی زیر
صوت طاحون زیادہ ابغ و اشد و جبمال را سیاتہ صعود و بکا
و انکسار دخی معالجہ تذکر دینلدی و بو معالجات و بکا و انکسارہ
مبادرت لازمدر زیر اذکر حق جل و علایہ وصولہ سبب و ذاکر کر
محبوبیتہ علامت اولوب شول کمنہ دن اخذ اولنور کہ حق تعالی اکا

غضب و شقاوت ارادہ پورمش اولہ ایدری بواکنسار ایلہ سالک
حالی عودت ایدرتکم اللہ تعالی ❦ انا عند المنکسرۃ قلوبہم ❦ پورمشدر
ودخی دینلدیکہ نفسہ خطاب ایلدی کی حالہ ❦ المطلوب عزیز و المقصود
نفیس انا لا ایتق بطلب لکن اقد و استنظر متشبثا بالظالمین و متشبہا بہم
و امثالہ الامر المرشد فانی و ان لم اکن منهم یکفینی التشبہ بہم دولہ
و سعادتہ ❦ دیہ و دخی دینلدیکہ مرید کند و سنہ عارض اولان فیضی
ارادہ و خلق ایدوب انک اوزرینہ تقدیر ایدن باری تعالی بی
ملاحظہ قیلوب دیہ کہ ❦ کل ما فعل الحبيب حبيب و ليس لي مراد الا
مرادک فاذا اردت مني ذلک فهو عين مرادی ❦ ہمان ساعتہ
اول ضرر اندن زائل اولور علا جین اخیرین بو فقیرک سنو حانتندر
اشہ لطیفہ قلب ایلہ ذکر ی بود و اول لطیفہ منک نوری حذا کتفدن
خروج و اعتلا ایتدکدہ و یا خود قلبہ اختلاج حاصل اولدقدہ
لطیفہ روح تلقین اولنہ و لطیفہ روح صباغ ممہ دن ایکی پار مق
مقداری اشاغیبہ در و ذکر اندہ و وقوف قلبہ اولور کہ ایکی
طرفہ نظر واحد ایلہ ناظر اولان مثلکودر بعدہ لطیفہ روحہ حرکت
واقع اولوب اشتغال ایتدکدہ لطیفہ سرہ تلقین اولنہ و لطیفہ سرہ وصول
ممہ دن ایکی پار مق مقداری یوقاریدہ در کذکک ذکر اندہ و وقوف

قلبه اولور و بولطیفه دخی کندک استغال ایتدکه لطیفه خفی یہ تلقین
اولنه و بولطیفه صاغ ممه دن ایکی پارمق مقداری یوقاریده در بعده
لطیفه اخفی یہ تلقین اولنه و بولطیفه وسط صدرده در و بونده دخی مذکور ات
مشملو استغال ایدر بعده لطیفه نفسه تلقین اولنه و بولطیفه ایکی کوزک
ار اسیدر بعده لطیفه جسده تلقین اولنه ایدر جسده ک جمیع اجزاسنده
و منابت شعورنده بسط و قوف نصکره جمیع جسد ایلده ذکر ایدر و ذکر
جسد ک کلیسند اختلاج لطیف ایلده و یا خود جمیع اجزاده ذکر دن
یقطه و تنبه ایلده تاثیر ایتدکه سلطان اذکار تسمیه قنور و دخی اسم
جلاله دن وردک مقداری اقلابش پیکدر و اکثرینمه حدیو قدر
و ساکراچون برکون برکچه ده اقلی یکر می بش پیکدر و لکن بش
پیک ذکر جلسه واحده ده ادا اولنه تاثیرده ادخلدر و اوچ
جلسه ده ادا اولنه جائزدر و صکره مرید نفی و اثبات ایلده تلقین اولنه
و کیفیت کامله بودر که وقوف تام ایچون اوله جمیع شعور و ادراکاتی قعر
قلبه القا و صکره خواطر و هواجی اخراج قصد یله نفسی عنف ایلده انتہاسنه
دکین اخراج ایدر لکن وقوف قوتیله اوله زیر اوقات وقوف جمیع
احیانده خطراتی دفع ایتدکه اعظمدر بعده نفسی مص و جس ایدوب
اند صکره لفظ لای و معنای اولان نفی ملاحظه و کوبکدن ام دماغه قدر

خط مستطیل تخیل ایلیم بعده الہ لفظنی ملاحظه ایدوب اول خطی ام
دماغدن صاغ اوموزباشنه قدر تجرید و اگر مبتدی ایسم لایله منفی بی
معبود و متوسط ایسم جس مقصود و منتی ایسم موجود ملاحظه قیلده صکره
اللفظنی ملاحظه ایدوب اول خطی بحسب انخیال و الاجال اوموز
باشندن لطائف اوزرینسم فم قلبه دارنجه تجرید و انکله استثنائی مراد
ایلیه و لفظه الہی عظمتیله قعر قلبه غایت شدت و قوت ایلده القا و عدده
ایتار ایدوب مره اخیرده محمد رسول الله کلمه سنی تخیل و صکره نفسی
اطلاق ایدر لکن نفسک دخول و خروجنده و ایکی نفس سپننده و قوفی
ضبط ایلیم و اطلاق نفس حالنده اللهم انت مقصودی و رضاک
مطلوبی دیه لکن جمیع جزئیاتده و قوف لازمدر و بوشراط ایلده تکرار
استیناف ایدر و هلم جرا و ایتار شریطیله نفس واحده یکر می بره بالغ
اولنجه عدده زیاده ایلیم و اول حینده استتلاک و انما ظاهرا و لورسه
فہا و الا اولندن استیناف ایدر و نفسی ضیق مشتمد و حضوری مشوش
اوله حق مرتبہ جس ایلیم و اگر محاپب و مطالبیدن مقصودی معین
اولورسم اثری قلبندن منتی اولنجیم قدرانی صیر کافیه تخصیص ایلیم
زیرا خطرات حبیه باب فیضی سدا ایدر و اما خطرہ علمیہ که مالایغیدر
انک خلافتہ ملا بسدر اشته مجددیه عندنہ طریق نفی و اثبات بودر

و بطریق یک یاری رکنی دارد بری و قوف قلبی و بری ملاحظه الفاظ
و بری ملاحظه معانی و بری ملاحظه نقوش و بری ملاحظه کلمه
محمد رسول الله و بری بازگشت بری دخی و قوف عدد دید که ملاحظه
ایتار دن عبارت در بعض ارباب طریق رکن ثامن زیاده ایتی
و اول زیاده وجدان نقوش در و اندن لاء معکوسه صورتی حاصل
اولور وجدان نقوش معینی بطن فارغ اولمق در لکن جوع مفراط
اولیه و مانعی ثبوت عدد و دخی جز خطوط ایچون قلب جبر و اکراه اولمق
بلکه و قوف قوی و جمعیت تم و نفس ملاحظه ایله خطوط مخبر اولوب
جولان ایله دور ایتد که خطوط ک بنفها انحراری تخمیندن غیر
شی لازم اولمز و خطوطی جرایدن فی الحقیقه و قوف قلب سیدرتامل و نفی
و اثباتک بختلری کثیر و بوطایفه زکیه نک کت بالمرنه مذکور اولمغله
تحریر و تطویل حاجت یوقدر بلکه اربابدن اخذ ایتینجه و اصحاب طریقت
عند نه تربیه اولمینجه کتابدن اخذ نه فایده اولمز فافهم انحق طالبه
واجب اولان بود که بحسب الحال کامل و مکمل و متصرف مرشد
بولنجیه قدر و فور علمیه مشرق دن مغرب مسافرت بر له تربیه اولمغه
مبادت ایده زیر اکیمیایک کتابدن اخذی ممتنع اولوب نچه
کمنه لربو آرزو ده مال و عمرین هباید رایسه دخی بر شمه سند

نائل اوله مزدا حوالک اخذی ایسه بوندن ادق و لطف در قالدیکه
بر ساعت یا اکثر مدته دکن ماسوی اللهدن بر خطره تخیل ایست نرین
مریده حضور مع الله حاصل اولد قده مراقبه احویه ایله تلقین اولنه
و اثری ظاهر اولد قده انک علامت لری اصحاب تکمیل معلومدر اولوقت
مراقبه جمعیت ایله تلقین اولنه ایله کیمتدن مقدسه اولان آثار جمعیت که
قلبه و وهمیه دن نشأت ایدر مریده ظاهر اولد قده انک ایچون
ولایت صغری تمام اولور و بوند نصکره ولایت کبری و صکره ولایت
علیاد و بولایت کبری و علیانک رجالی دارد که حق سبحانه و تعالی
حضرت لری محض فضل و کرمندن انمره عنایت پور مشدر زیر منقطع
اولان فقط مرتبه نبوت رکن ولایت رسول الله صلی الله علیه و سلم
اتباع و آثار شریفه اققن ایتد لری سبب دن مشکوه نبوت رسول
الله دن مقتبس بر سر اجدر ﴿ذک فضل الله یوتیه من یشاء والله
واسع علیم﴾ و اما کیفیت ولایت بوساله ده تصریح اولنید یعنی بر قاج
سلبه بنیدر اولاسرار ک کتابله تحریری ممنوع در ثانی ذکر
اولنید یعنی و جمله تربیه و ارباب حال عند نه سلوک کسر کتابدن اخذ
اولمز ثالثا اختصار اختیار اولندی را بعا جمیع و تالیف مبتدی
ایچوندر خاما احتمالدر که مرید اگا نظر ایدوب اول احوال کندویه

نفی و اثباتک شروطی
طهوز در اول حبس
نفس ثانی ذکر لاله
الا الله ثالثا ملاحظه نقوش
رابعاً ملاحظه معانی خاما
ضرب سادس جمعیت
وقوف قلب سابعا
و تراولمق دوزره و قوف
عددی ثامن آخر نه
محمد رسول الله ذکر
تاسعا رجوع الی الله که
الهم انت مقصودی
در ضاک مطلوبی دیمکدر

مطلوب و مقصود اول و صاحب تحقیق دیدلر که مقصودک فی الحقیقه
معبود کدر اولیه اولسه باطنکی کافه مقاصد دن ولو که خطور اولسون
جمیع ماسوی اللہ دن تفریع ایتیمک لازمدر و کذا دیدلر که برکمنه نمک
مقصودی حق جل و علا دن غیر ی اولسه اسلام حقیقی مرتبه سینه
و اصل اولمه سادسا مرید ولایت مرتبه لینه نظر ایدوب تسویل
نفس سبیلله انی نفس چون تخمیل و کیدرک مرتبه ولایت وصول و انکله
اتصاف توهم ایدوب مالکیندن اولمق محتملدر و اما ختم خواجگان
قدس الله اسرارهم و روحی فداهم اولدر که اولنده یدی کره فاتحه
شریفه قرائت اولنه لکن حلقه ذکر کپرا ایه صاغ طرفه اولنلر
ادقوسه لرافضلدر بعده یوزکره صلوات شریفه و صکره یمیش طوق زکره
سوره الم نشرح بعده پیک برکره اخلاص شریف و صکره یدی کره
فاتحه شریفه قرائت ایده لر لکن بودفعه کذلک حلقه ذکر کپرا ایه
فاتحه شریفه بی صول طرفه اولنلر قرائت ایده لر و اند نصکره یوزکره
صلوات شریفه کتوره لر بعده مشایخ سلسله قدس الله اسرارهم
و روحی فداهم حضراتنک ارواحنه ایدو دعا ایلیم لر و اگر حلویا بدن
برشی وار ایه ادب و تعظیم ایل اکل اولنه و اما ادب ختم اولدر که
کوزلرینی یوموب اولنده بش و یا اون بش و یا کرمی بش کره استغفار

و صکره بر لظه رابطہ شریفه و بعده ختمک اولندن آخرینه قدر و قوف
قلبی ایچون قلبه نفسری القایتمکدر و ختم قرآنده کذلک و قوف قلبی
لازمدر زیر اعوامک قرائتی الفاظدر و قرائت خواص تدبر معانی ایلدر
و قرائت اخص خواص اشعار فیض الهی و آخر ختمه دکن علی الاتصال
فیضک قلبه نزدانی اعتقاد ایلد برابر منبه قلب و صاحب کلام اولان
ذات مقدس جل جلاله جنبانه توجیدر و ختمک آخرنده روحانیت
مشایخ مذکوریندن توجیه و فیض التماس ایدوب ختمه انلرک حضور لرینی
اعتقاد ایلیمک ختمک آدابند مذروا اما احیاء و امواتدن مشایخک
زیارت آدابی اولدر که اولانیت خالص اولمقددر بر حیثیتکه که اول
ذات اولیاء اللہ دن برولی اولدیغنی اعتقاد ایلیم و اگر اصحاب
طریقندن یعنی مریدانندن ایه اول زیارتله مرصات خدا دن غیر ی
اغراض دنیویه و اخروییه مراد ایلیم فی اصلا امتحان و تفرج ظاهری
قصدندن و اندن کرامت کوریمک طمعندن مجانبست ایده زیر
ممتحن ملعوندر و دخی ابن قسا و ابو عبد الله بغدادده غوث وقت
اولان خواجه یوسف همدانی قدس سره حضرتلرینک مجلسنه اخلاص
و ادب ایلد زیارت و ارد قلزنده امتحان سبیلله هلاک اولدیلر و حکایه لر ی
مشهور و ابن حجر مکینک فتاوی خاتمه سنده مذکوردر و اما کرامت

ولایت و افضلیت شرط دکلدر که صاحب کرامت اولان افضل
اوله زیرا مدار همان قوت عرفان و یقینیه در و شاید که گمنه مأمور اوله
و اکثر حالد مریدک اعتقاد و یقینیه امتحان اچون شیخ تجاہل ایدر
بلکه مرید لری مشایخ امتحان بر ساعت خالی اولمزلر ثانیاً طهارت
کامله اوزره اولمقد در ثالثاً مطلق مرشدی اولان رابطه یه فاتحه
شریفه و اخلاص قرائت ایدیه و زیارت ایتدیکي ذات مرشدینک
غیری ایسه مرشدی اچون کذلک قرائت و روحانیتیه توسل و اول
ذاته مرشدی شفیع اتخاذا یلیه و صکره مشیه شروع ایدوب عاصیلره
شفیع طیرقی اوزره رابطه شریفیه ای امانده ملاحظه قیل و جمیع ذنوبندن
و فضل و عملندن و زبندن بر قاج کره استغفار ایدیه برو جله که نفسی
اعصی العاصیندن عدا ایدوب عمل صالحدن مغلس پسله و ابد برئی
قرائت ایدیه مزجاہل عدا یلیه و دخی خدمت مرشد و اہل اللہ
خدمتہ و ارمق مراد ایتدیکدہ کند و سنده زہد و تقوی و فضل و علم
بلکہ عقل و ارفعنی خاطرندن از الہ ایلیم برو جله که حضور اہل اللہ
قیاس عقلی اتیان و نفسندن برئی اختراع ایلیم و بالادہ بیان
اولند یغی و جہلہ مرید لری امتحان اچون اہل اللہ حضرت موسی
و حضرت خضر علیہما السلام پیندہ واقع اولان قصہ یه مماثل امور واردر

ودخی رؤیت وجود و فضائل کبی ذکر اولنان شیلر ککلیسی مریدی
مرشدک فیض و برکتہ وصولدن منع ایتدیکندن فضلہ مرشدینی
رؤیتدن و معرفتندن محروم ایدر و اثنای طیرقہ خطواتدن
و مشاق طیرقندن ابد متاڈی اولیوب بلکہ انی قبل حقندن کند و یه
محض فضل و نعمت پسله زیرا مرشدی قصد ایدن گمنه حق جل و علا
حضرت لیری قصد ایدر و صدق محبتک علامتی چسبی طرفہ وصول اچون
ذاہب اولد یغی طیرقہ متاڈی اولما مقدر و دخی مرشدندن فقط
فیض باطن و عنایت باطنیه دن غیری معاملہ ظاہرہ و کنیدلہ مکالمہ
بأمول ایتیمہ زیر اہل اللہ محبت ایتدیکي گمنه دن ظاہر معاملہ سنی
قطع ایدر و زیارت ایتدیکي ذاتک بحسب الظاہر علمندہ و عملندہ باطنہ
کمالیلہ اعتقاد ایدوب انی حکمت و مصلحتہ و تاویله حمل ایلیم و حقندہ
اولان خطر اتدن استغفار ایدیه رابعاً زیارت ایتدیکي ذات جی
اولسون کر کسمیت اولسون خدمتہ کیدر کن لاجل الاستفاضہ قلبنی
ایک قلبنہ و قوف قلبی اوزره ربط و خدمتہ ایرشد کدہ کذلک اول
منوال اوزره عمل ایلیم اشہو شروط اربعہ جی و میت اولان ولی
حقندہ مشترکدر خامسا ابواجندن ہر بر بابدہ ﴿السلام علیکم تحیۃ
مبنی الیکم الفاتحہ﴾ دیو سلام ایلہ فاتحہ و اخلاص شریف قرائت

ایتمکد ساد ساز یارت ایتدیک کی مته مستد برا قبله یا غنه قریب متوجه
 اولوب را بطی حضرت مزاره کند چگون شفیع ملاحظه و اشوشیف ایل
 اکا تو سل ایتدیک کی حالد طور مقدر و اول حینه سلام و یروب قائما
 فاتحه و اخلاص شریف قرائت ایده و صکره او توروب بر عشر
 قرآن او قوسه افضلدر بعد اول و لیک قلبنی کند و قلبنه ملاصق
 ایتدیک کی حالد قلبندن استفاضه ایلیم کن کند و قلبنی میتمک قلبندن
 بر مقدر ارشاعی قیلوب و قوفدن تغافل ایتیمه و غایت تضرع
 و انکسار ایل استفاضه ایدوب حضرت مزارک کثرت فیضه
 و اندن قلبنه فیض و صولنه غایتله حسن ظن ایده زیر ایضک و صولنه
 مدار اولان و صولنی اعتقاد و اکا حسن ظن در تنکم حدیث قدسیده
 انا عند ظن عبدي بی پورلدی و بالاده پانی مرور ایتدیک کی
 و جمله و صولنه مدار اولان رؤیت و ادراک دکلدر فافهم و بواسطه
 و جلوسک مدتی زائرک ذوق و جمعیتی مقدار یدر بعده کند و نفسنه
 و مرشدینه و مؤمنله دعا ایلیم و دخی ابتدا مرشدینی حضرت مزاره
 شفیع و وسیله قلدیغنی کبی مرشدینه انی شفیع قیلوب مرشدیله اکا
 تو سل ایلیم تا کیم اول و لیک لطفی کنیدیله برابر و حقنده نظری
 زیاده اوله زیرا هر بردا عیکه بر امر مباح اچون دعا ایده صاحب

مرقد البته انک دعا سنه آیین دیوب حق تعالی نک فضل و عنایتله
 مستجاب اولور سا با فاتحه شیرینه و اخلاص او قویه و یا خود ایتد
 زیارته قرائت ایتدیک کی آغرنده دخی عشر قرآن ایلیم برابر
 او قیوب حین قیامنده السلام علیکم تحیه منی الیکم الفاتحه او سل بکم
 فی تسهیل اموری الدنیویة و الاخریة دیه و کذا ابتدا و رودنده
 قرائت ایتدیک کی ابوابندن هر بر باده بو منوال اوزره سلام
 و یروب فاتحه و اخلاص شریف قرائت ایده و ایاب و ذماید
 ضحک و لعبدن مجانبست ایتدیک کی حالد مکاننه رجوع ایلیم اشته
 زیارت ادینک اکمل و جوی بودر و السلام علی من اتبع الهدی
 ادب ثامن که سلوک و مجاهده ادبی ایدی بر قاج نوع اوزره در
 او کلمی و ما خلقت الجن و الانس الا ليعبدون نظم جلیله امثال
 و تعبدن غیر سائر علل و اغراضدن نیتی تصفیه ایتمکد و اول
 اغراض امور دنیویة دن و اخرویة دن و لسن کر که احوال باطنیه دن
 فتوح و قرب و ولایت و غیری و لسن برابر در بلکه همان عین
 بصیرتنی هر بر تخیلاتدن منزله اولان ذات بحت مقدس جل جلاله
 حضرت لکینه نصب ایلیم برو جمله که ذات باری بی ینه ذاتی اچون
 مراد ایده یعنی اصلا غرض و عوض اچون دکل و ذکر اولسان

اغیار دن کنس دیه برشی عارض اولورسه توبه واستغفار ایله ازاله قیله
ایکنجسی جمیع ذنوب دن توبه غسل ایله غسل ایستغفار ایستغفار ایستغفار
حاله بو غسل کذلک غسل میت عدایله وایکی رکعت صلوة توبه
قیلوب دنیادن و تکرار وجه ارضه خروجه دن مایوس اوله زیرا
خروجی قصد و مأمول ایدن کمنه معنی خارج در داخل دکلر بلکه انفا سندن
هر برینی نفس اخیر عدایدوب صلواته و حلقه ذکرده و سلوکه و هیچ
بر نفسده غافل اولمیه که مولی سندن غفلتی اثناسنده روح بدنن
خروج ایتیمه زیر امدار باطنه در وحیث شیرغه ❦ انما الاعمال
بالنیات ❦ پورلدی اوچنجسی دوام وضوء در درنجیسی لیل و نهار
دوام ذکر در لکن تضرع و انکسار ایله ذکر ایله بشنجسی دوام وقوف
قلبی در ولو که خلا ده اولسون تا کیم وقوفی بلا تحلل بیطاوله التنجسی
دفع خواطر در ولو که اخروی اولسون یدنجیسی هر آنده قلب ایله دوام
طلبدر سکننجیسی قلبی مرشدک قلبنه دوام اوزره ربط واستفاضه
اچون قلب مرشدن عدم انفکاک در طغوزنجیسی موجب شریعتک
غیری کلامی قطع ایتکدر اوچنجسی تعلیل طعام در واکلی حیوانیدن غیری
اولسه اولی در اون برنجیسی تعلیل نومدر و حضور باری بی جل جلاله
مشاهده دن تادبا یاق اوزا تمسکین او یوسه اولی در اون ایکنجسی

جمع انامدن حتی مرید غافلدن عزتدر زیر اغافلک غفلتی قلبنه منعکس
اولوب غفلت و وسوسه و تفرقه ایراث ایدراون اوچنجسی مخلص
ویا مرید متظهرک اصلاح ایلدیکی غیر معیون و منفوس اولان حلال
ظاهر دن اکل ایتکدر و لکن اکل حضور اوزره اولوب شره و غفلتدن
اجتناب ایده زیر اغفلت لقمه سی غفلت کتورر و حضور لقمه سی حضور
ایراث ایدر و اوزرینه رابطه شیرغه ایله برابر سلسله شیرغه قرائت
ایلمه غایت منور اولور و کذا هر کچه سلسله شیرغه بی قرائت و اضمحلال
نفس اماره اچون المره توکل و کند و لرندن استمداد مستحبر
اون در دنجیسی مرادات و مقاصدی ترک و همی حفظ ایتکدر شول
وجه که حصول نفع و دفع مضرت اچون همت ایتیبوب بلکه باب
تسلیمه باش قویه زیر ایدیلشدر عبادتن عبودیتده اولمقدن
غیری شی مراد اولمراون دنجیسی مباح و منون و واجب اولان
اعمالک جزئیاتندن هر بر جزئیسنده اتباعه نیت ایتکدر و اما
بو اتباعی اراده ایتک مرادات و عللدن اولیوب بلکه معناده
اغراض و علتلری دافعه رائل و اما بین العشائین و بین الطلوعین
و تجمد و ضحی و اشراق و اداین نماز لری احیاء و عند ارادة النوم
تجدید وضوء ایلک بدیهی اللزومدر اون التنجسی نفی وجود در زیر ا

وجودک ذنب لایقاس به ذنب ﴿﴾ دینشدر و بونده اقوی
اولان موتی تمنی و رعنا لنفسه و قطعاً لاله انفا سندن هر بر نفسده
موت محبت استیکدر و الا ابد اقلبندن حب دنیا زائل اولم و حب
دنیا هر بر خطیه مک باشدیدر بلکه انسانک وجودی دخی کذک
دنیا سیدر زیرا ﴿﴾ دنیاک ما الهاک عن مولاک ﴿﴾ دینلای اون یدنجیمی
نفسنی سالکک عد ایتیموب بلکه بر کلب عقور و ناس اندن متضرر
اولسون دیو حبسی واجب اولش کور مکر اون سکرنجیمی وجودندن
واعمالندن مایوس اولمقدرد اون طغورنجیمی حق جل و علا حضرتلرینه
غایتله حسن ظن ایله محض فضلنه تمسکدر یکرمنجیمی مکر اللهدن زیاده سیله
خسیت استیکدر و مکر الله متهوردن خفی بر قهر الهیدر العیاذ بالله تعالی
عن ذلک یکرمی برنجیمی مرشدینه محبت و اخلاصی کثیر اولمقدرد
بر وجهله که مرشدی کندویه فرید اعتقاد ایده و مرضاتنی سعادت
و عدم رضاتنی شقاوت پله و حتی شیخک شیخنه تقدیم ایده یعنی شیخ بنی
رد ایدر سه بلا فرق شیخک شیخی دخی رد ایدر و اگر قبول ایدر سه شیخک
شیخی کذک قبول ایدر دیو اعتقاد ایلیمه بکذا رسول الله صلی الله تعالی
علیه وسلم و حق جل و علا حضرتلرینه تسلسل اولدیفی حاله شیخک
ردینی رد و قبولنی قبول پله و ثویله اعتقاد ایده که شیخنده اولان

نظر ایله بر کمسنه نظر ایتیمه بایزید بطامی و جنید بغدادی قدس
سرهما حضراتنک در جاتنه ایصال ایدر و بو نظری مأمول و تحری
ایلیه و دخی صاحب ترجمه عوارف ذکر ایدر که شیخی تفرید و اجبر
و عدم تفرید ده بر شی حاصل اولمزانقی و خفی اولمیه که بو تفرید مشایخ
متصرفین حقلرنده لازم اولوب تشیخین متصرفین حقلرنده دکلر زنتکم
شر و طدن بی خبر اولان جاهلرله اتساب و تعرف ایدن توهم ایدر
و دخی شیخندن ذکرینک تبدیلی و رویا تعمیرینی طلب ایتیمه و احوالندن
ادراک ایلدیکیشینی و یا خود کندویه خوش اولان رویا سنی شیخندن
کتم ایلیمه و قلبیله شیخنه تضرع ایتدیکیک حاله حضورنده تدل ایلیمه
و شیخی کند و سنک حضورینی اگر اده جکی وقت یانه و ارمیه
و اولوقت دخی قرائن ایله معلوم اولور اوقاتندر و مرشدینک
غیری په احوالی اطنهار ایتیمه و احوالک عدم حصولندن همتنه فقور
کتور میه زیر مقصود اولان احوالک غیریدر و تغیر حالندن خوف
و خسیت ایلیمه زیرا ﴿﴾ الحور بعد الکور ﴿﴾ منهو منجه نقصانه و مواخذیه
دلالت ایدر و احوالک سنوح و طنورینه شکر ایلیمه که فضل الهی و عنایت
ناقناییه دالدر ایدر خلاصه مرام و حاصل کلام اولدر که آدابک
حد و حصری اولیوب سنوح و طنوری بحسب المقامدر و جمیع جریاتنه

تنبه الهام محتاج در زیر اسول ادب که مقامه موافق اولیه سوء ادب
 و ملاه منقلب اولور و ادب مقامه موافق اولمق لازم اولدینی کبی
 آدابدن بعضینی مشارب اربابه کوره متفاوت در زیر اشیاخ طریقت
 قدس الله اسرارهم حضراتی صحابه رضوان الله تعالی علیهم اجمعین
 و روحی فداهم حضراتنک اقدامی اوزره سلوک ایدر لر و صحابه نیک
 مشربلری غایتله متفاوت در زیر انلردن بعضینی جمیع مالنی انفاق ایدر
 حضرت ابوبکر رضی الله تعالی عنه کبی و بعضینی نصف مالنی انفاق ایدر
 امیر المؤمنین حضرت عمر رضی الله تعالی عنه کبی و بعضینی مزاجی سور
 نعمان رضی الله تعالی عنه کبی و انک مزاجلری عجیب و کثیر در
 و بعضینی مزاجه میل ایلمر عثمان رضی الله تعالی عنه کبی و دخی صحابه نیک
 رضوان الله تعالی علیهم اجمعین احوال و خصایص کریمه لیرینه عارف
 اولنر مشربلرینک تفاوتنی پلور پس ایدی اشیاخک مشربلری
 دخی انجیلین متفاوت در و اکثری امر واحدده بر شینک ادبی دیکرینک
 ادبیه مغایر اقتضا ایدر و اهل اللمک § الطرق الی الله تعالی بعدد
 انفس الخلائق § قوی بومعنایه اشارت در و مشارب دخی کذلک
 کثیر در و چونکه بورساله عجاله جناح سفر اوزره مؤلفه اولدیندن
 اختصار اختیار اولنک § نسل الله العفو و العافیة فی الدین و الدنیا

و فی الاخرة و دوام الازکار علی وصف التضرع و الاکنار و کمال
 الصدق و الاخلاص فی النیات و سایر الاطوار و یرزقنا الاستقامة
 و حسن الخاتمة بحرمة النبی المختار صلی الله تعالی علیه و سلم آیین
 یا مجیب السالین § چونکه اعمالده اعتبار خواتمه اولوب انواع
 سلوکدن نوع ثالث عشرده سلسله شیرافه قرائتنک استحبابنه اشارت
 اولدیندن و بوقتریب ایله انلردن استمداد و کند و لره توسل مراد
 اولدیندن سلسله شیرافه ایله بورساله مسکیه الحام قلنمق مناسب
 اولدی و فصلی و نسلم علی سید الانام و آله البررة الکرام اجمعین آیین

اشبور ساله شیرافه نیک زبان ترکیه ترجمه سنی محرومه مصرده صدر
 نشین مقام ارشاد اولان عنایتلوا الشیخ عاشق افندیز امر و اشارت
 پورملریله امثالاً لا مر ترجمه سنه شروع اولوب امداد روحانیت
 اصحاب قلوب ایله ختامی میسر اولدی قلت بضاعت و کرک
 مقتضای بشریت حبیلله واقع اولان خطا و خلل و سهو و زلل تعمیر
 و اصلاح و قصور و کسور مدن اعماض پورلسی ارباب نظر دن نیاز
 اولنور § ترجمها احقر العباد الحاج شریف احمد بن علی غفرله و لوالدیه
 فی اوائل شهر جمادی الاولی سنه سبع و خمسين و مائین بعد الالف من هجرة
 من له العز و الشرف

اشبور ترجمیه بعد مدده
 تکرار مراجعت برله
 دیکر نسخه تعمیریدن تصحیح
 و شمعی طبعی تصمیم اولمغله
 بونسخه دن ماعد خطایه
 اولان قدیم نسخه لره
 اعتبار اولنمیه
 (للمترجم)

وكان تمام طبعه بدار الطباعة الباهرة ﴿﴾ الكائن في يولاق مصر
 القاهرة ﴿﴾ ملحوظا بنظرنا طرنا الراجي فضل ربه الوهاب ﴿﴾ حسين
 افندي الملقب براتب ﴿﴾ وبمعرفة مصحح مصطفى بن محمد الموروي ﴿﴾
 احسن اليهما العلي القوي ﴿﴾ على ذمة فخر الاكارم والامثال ﴿﴾ حضرة
 محمد افندي المعروف بكامل ﴿﴾ رئيس الصحافين والعرضة الجيه
 بمصر المحروسة ﴿﴾ وقاها الله مكائد الزمان وبوسه ﴿﴾
 وذلك في واسط شهر صفر الخير الذي هو من شهر
 سنة الف ومانتين واثنتين وستين من الهجرة
 السنية ﴿﴾ على صاحبها افضل التسليم
 والتحية ﴿﴾ ماناح الاحكام ﴿﴾ ولاح
 بدار التمام

